



Koukun An Ekkewe Nenien Tumwunun Semirit
Angang Non Unusen Ei State

Ewe Pekin: Tumwunuw Semirit

Poputan Pochokunan non: May 16, 2020

Tichikin Kapasen Ourour Fan Iten Ewe Pekin Tumwunuw Semirit



Ewe Nenien Tumwun Semirit Fansoun Weiweitan Osukosuk Mei Namot Epwe Fori Ekkei:

Epwe Wor Noun Taropwen Mumuta me Epwe Wor Taropwen Met Sokkun Prokram Epwe Fori epwe angei mumutan meren ewe Ofesin Pekin Tumwunun Semirit fan iten an epwe suk ussun ew Nenien Tumwunun Semirit Fansoun Weiweitan Osukosuk. Ekkewe chon angang repwe fiti met an ewe Pekin Osukunna Kukun Semirit sokkun angang ren tumwunun me pochokunen ekkewe semiri fiti ngeni met kewe kapasen ourour.

Ukukun Chon Non Ew Mwich me Koukun Fitemon Semirit Ngeni Pwan Fitemon Chon Angang

Ekkewe Nenien Tumwunun Semiriti mei namwot pwe repwe fori ekkei:

- Eukuku fitemon semirit non ew rum:
 - Ekkewe Famini Mei Wor Nour Taropwen Mumuta (RF) – mei tongeni epwe ukukun engon semirit.
Mei namwot: Ekkewe famini mei wor nour taropwen ar repwe tumwun semirit ese pwan menei pwe repwe fiti ewe koukun mei affat ren nenien emon semirit ren ukukun semirit repwe tonegni anomwo non ar we neni.
 - ♦ Me non ewe koukun 10 semirit, mei tongeni pwe esapw nap seni onomen semirit ra ierin preschool ika kukun seni, nge me non ekkewe onomen, mei tongeni pwe esapw nap seni ruemon semirit ir kukun seni 24 maram.
 - Ekkewe Famini Ir Mei Tori Ewe Koukun Nonomwun Ew Nenien Tumwunun Semirit (CF) – ir mei tongeni pwe repwe wor ruu mwich ren ukukun engon semirit repwe tongeni imwufesen non nenier me non ewe imw nge esapw nap seni ukukun 16 semirit. Ew me ew mwichen semirit repwe nomw non neni epwe fiti ewe koukun 35 square fit ren emon semirit.
 - ♦ Ew me ew ekkewe mwichen semirit repwe fiti ewe koukun ren emon chon angang ngeni fitemon semirit mei affat me non ewe Onnukun Chon Angangn an Oregon 414-350-0120, pwan affat me non ewe [Onukun Ekkewe Nenien Semirit Ir Mei Tori Ewe Koukun Nonomwun Ew Nenien Tumwunun Semirit](#) (page 28).

- Ekkewe Nenien Semirit Ir Mei Tori Ewe Koukun Nonomwun Ew Nenien Tumwunun Semirit(CC) – repwe tongeni anomwu ukukun ew mwichen 10 semirit non ew rum. Ekkewe rum mei watte mei tongeni epwe forata ruw rum ika pwe mei mumuta meren ewe a wisen nemeni mumutan angangen ewe pekin nenien tumwunun semirit. Nengenifichi [Met ewe ELD-OHA COVID-19 Mei Mochen Epwe Fis me pwan Sökkun Ekkewsiwin Weiweita and ELD ngeni Ekkewe Onnukun Nenien Tumwunun Semirit fan iten an State Angangen Eppetü COVID-19](#) ren tichikin met epwe fis. Ew me ew mwichen semirit repwe nomw non neni epwe fiti ewe koukun 35 square fit ren emon semirit.
 - ♦ Ekkewe CC repwe chok fiti ngeni ewe koukun emon chon angang ngeni fitemon semirit (ewe koukun emon chon angang ngeni fitemon semirit non ew mwich mei fitu tettennin ierin semirit non epwe anongonong won ewe kukunnon semirit non ewe mwich). Nengeni met mei affat non ei chepen fan.

Ierin ewe Semirit	Koukun Chon Angang ngeni fitemon Semirit	Wattenon Koukun Chon Non Ew Mwich (semirit)
Onuw wik ngeni 23 maram	1:4	8
24 maram ngeni 35 maram	1:5	10
36 maram ngeni kindergarten	1:10	10
Kindergarten feita	1:10	10

Met Mei Auchea Fan Iten Chon Non Ew Mwich

Ekkewe chon ngangen ewe nenien tumwun mei auchea repwe:

- Fori pwe epwe pungupungoch ukukun chon non ew mwich (awewe chok ren.,ewe chok chon angang me ekkewe semirit epwe ikkenair chok chon non ew mwich iteiten ran).
- Repwe awora aninis ngeni chok ewe koukun engon semirit non ew mwich, iwe nge, anongonong won metewe program mei wor non ewe neni mei tongeni pwe ekkoch famini repwe mutata an epwe wor "ekkesiwi" nenien ekkoch semirit nefinen ran me ran. Kapas Awewe – Ewe Semirit A epwe nomw non Sarinfan, Ounungat, Enimu, me pwan ewe Semirit B epwe nomw non Oruu me Oruanu. Iwe nge, esapw nap seni 12 semirit non ew chok mwich.
- Awora aninis ngeni ekkewe chok chon non ew mwich ir mei nomw chok non ew neni iteiten ran.
- Omwokutu emon semirit seni ew mwich ngeni pwan ew mwich nge esapw pwan wor ekkesiwin sefan ren (awewe chok ren, ika pwe emon semirit a tori ierin anepwene tongei ekkesiwin meni mwich mei nonomw) nge esapw chok non ekis mochomochon fansoun.

- Awora ewe chok “chon aninis epwe kan ekkesiwini” ewe chon angang (awewe chok ren, emon chon angang epwe wisen nomw nenien emon nupwen fansoun a no asese) ngeni ewe chok mwichen semirit iteiten ran ika pwe epwe tufich.
- Mutata pwe epwe chok ew mwichen semirit non ew neni repwe aea fengen non ew chok fansoun (non nenien ngaseno, nenien kukunou nukun, nenien mongo). Angangen enimenim epwe chok fis iteiten fansoun meinisin me murin ika me mwen ew mwich epwe aea ew neni.
- Ren ekkewe nenien tumwun semirit me non imwen aramas, mei namwot pwe repwe fori pwe ekkewe chon non ewe imw resapw aninis non angangen tumwun ekkewe semirit resapw nomw arapakan ngeni ekkewe mwichen semirit non unusen ewe ran.
 - Ika pwe ekkewe chon tumwun mei pusin pwan wor nour semirit ika chon non imwer iwe repwe pachenong nein ewe mwichen semirit, iwe repwe pacherenong non ukukun met semirit mei mumuta pwe repwe nomw non ew mwich.
- Fori angangen enimwinimen chon angang repwe fori iteiten nefienen sukunen nesosor/nekunion ren ren mettekewe neni ekkewe semirit mei kan aea fengen epwe pwan pachenong angangen nemeti ekkewe nenien amonnata mongo, neni ir mei soun attapeta won, me pwan nour niousun me pisekin urumwot. Epwe chok ukukun ruu mwichen semirit repwe tonegni nomw non ew rum non unusen ewe ran.
- Fori kunokun ar repwe wato-angei nour semirit esapw chok nonopok ren an epwe kouk ukukun famini me chon angang repwe kanefengen non ew neni non ew fansoun.

Angangan

Ekkewe chon ngangen ewe nenien tumwun mei auchea repwe:

- Nengenisefani me anganga [Ekkewe Kapasen Ourour fan Iten Chon Angang](#).
- Sopweno ne nenengeni met aninis mei auchea fan iten chon angang mei namwot ar repwe angang me pwan anisi ekkewe famini ra niwin sefan ngeni ar angang non ei fansoun kinikinin suk sefan an Oregon.
- Fiti ngeni me fori met masowen [Met ewe ELD-OHA COVID-19 Mei Mochen Epwe Fis me pwan Sokkun Ekkewsiwin Weiweita and ELD ngeni Ekkewe Onnukun Nenien Tumwunun Semirit fan iten an State Angangen Epeti COVID-19](#) iteiten fansoun meinisin.
- Sopweno ne fori metekewe mei mumuta meren OHA-ELD [ren anangen enimienimen](#) neni, mangaku, ekkewe pisekin angang mei fiti fifi, noun semirit pisekin urumwot ren an epwe epeti chounon ei COVID-19.
- Awora angangen osukuk ngeni ekkewe chon angang ren sokkun nikinikin enimenim epwe fis me pwan angangen tumwun epwe wor fan iten COVID-19.
- Mutata an chon angang repwe aea ekkewe pwonupwonun aaw me pwot non pusin an ewe chon angang finata.
- Fansoun meinisin epwe fis an ekkewe chon angang repwe awora angangen cheki ekkewe semirit ren samwau me met iwe repwe aea pwonupwonun aaw me pwot.
- Repwe awora pwuken ar repwe kan makkei porousen ew me ew ekkewe mwichen semirit nge epwe fiti ngeni mettekei mei auchea epwe mak mei tetenitiw me fan pun

epwe anisi fetanin kutta pworousen nupwen epwe wor mei samwaau non ewe nenien semirit:

- Iten Semirit
- Kunokun wato/angei
- Ionewe chon wato/angei ewe semirit
- Iten meinisin chon angang mei angang ngeni ewe mwichen semirit (pachenong ionewe chon angang e wisen ekkesiwini ewe chon angang fansoun a no asese)
- Koukun awan an ewe semirit nomw non ewe nenien tumwun

Pwan ekkoch sokkun pworous fan iten pwonupwonun aaw me pwot:

- Semirit ra nap seni 2 ierir mei tongeni pwe repwe aea ekkewe pwonupwonun aaw me pwot nupwen epwe wor watte epwe nonomw rer.
- Semirit ese pwan nifinifin ierir rese tongeni aea pwonupwonun aaw me pwot:
 - Ika pwe mei wor ar samwaau mei eweiresi mecheresin ar repwe ngasangas ika pwe ir mei pwonu awer me pwotur;
 - Ika pwe ir mei wor osukosuken inisir epwe tongeni eppeti ar repwe aea pwonupwonun aaw me pwot;
 - Ika pwe rese tongeni ar repwe pusin ettatiw ewe pwonupwonun aaw me pwot sen; ika pwan
 - Nupwen repwe mour.
- Aea pwonupwonun aaw me pwot esapw och metoch mei auchea an ekkewe semirit repwe aea iwe esapw pwan eppeti ar repwe tongeni fiti angangen osukousuk me sokkun mwokutukut mei fis.

Ekkoch Pwan Omwokut Fan Iten Ekkoch Sokkun Angangen Tumwunun Semirit:

Ei kapasen ourour mei pwan auchea ngeni ekkewe ekkoch pekin osukunen semirit, usun ren ekkewe nenien tumwunun semirit mei apwangapwang non ekis mochomochen fansoun, ewe program ren sukunen non summer, nenien osukunen ekkewe semirit repwene pachenong non kindergarten, me pwan ekkoch program mei affat. Ekkei program repwe chok taitap won ar repwe fiti ewe chok ew kapasen ourour usun met mei affat non ei taropwe nge resapw akkoumwa non ar angang ekkewe famini anongonong won met ar angang ren metewe program epwe kawor.

Pwan Sopwosopwun Pworous Mei Auchea Mei Wor:

- [Sain kopwe tongeni pacheta](#)
- [Kapasen Ourour fan iten Pwonupwonun Aaw me Pwot me Pwonupwonun Maas non unusen ei State](#)
- [Kapasen Ourour an OHA ngeni meinisin](#)
- [Kapasen Ourour an OHA ngeni Ekkewe Nenien Angang](#)

- [An CDC Kapasen Ourour ngeni Ekkewe Chon Nemeni Ekkewe Nenien Urumwot](#)

Ren iokkewe mei wor ar osupwang ren tufichingawen inisir ika mei weires ar repwe tufichin kapas non fosun merika, OHA mei tongeni awora ngenir nour ei taropwe non sokkun met repwe tufichin aneani non fosun ekis, taropwe chowatten taropwe ika sokkun noun ekkan mei nenengaw rese tonegni kuner, me pwan sokkun met en ke mochen kopwe nounou. Kokori Mavel Morales won nampa 1-844-882-7889, 711 TTY ika OHA.ADAModifications@dhsosha.state.or.us.